



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 1276 Usque Ad Annum 1312

**Fleury, Claude**

**August. Vind. [u.a.], 1766**

**VD18 90118251**

§. 68. Andronicus reconciliationem cum Latinis facit irritam.

---

[urn:nbn:de:hbz:466:1-67012](https://nbn-resolving.org/urn:nbn:de:hbz:466:1-67012)

Sæcul. XIII.  
A. C. 1282.

Pachym.  
Andr. l. 7. c. 1

cundum Græcos 6791. Ejus cadaver  
in monasterium a castris, ubi obierat, lon-  
ge remotum celeriter & noctu quidem  
delatum fuit ac sine ulla ceremonia in-  
pultum. Andronicus enim novus Imper-  
ator consensionem cum Latinis perolens  
patrem suum tanquam hujus auctorem  
sepultura ecclesiastica indignum censuit  
ejusque corpus duntaxat contegi in  
humo injecta voluit, ne discerperetur  
bestiis. Numerabat viginti quatuor-  
tatis annos, cum patri suo, quo vivo  
volente coronatus Imperator erat, suc-  
cederet: & quadraginta novem annis  
summæ rerum præfuit.

§. LXVIII.

*Andronicus reconciliationem cum Latinis facit irritam.*

6. 2.

Constantinopolim reversus nihil habebat antiquius quam tollere schisma quod reconciliatio cum Latinis inter Græcos excitaverat. Hanc ad curam sua sponte propensum amita sua Eulogia impellebat. Qua Principe suadente intuit se purgare schismaticis velut suis in gratiis inductum ad ea, quæ consensio- nis causa pater fecisset suus. Exposit se poenitentia tangi paratum ad subeundas poenas, quas ad expiandam ipsius culpam necessarias judicarent; litteras

que ad Papam a se scriptas, & inserta  
eis juramenta a sola authoritate patria  
profecta esse. Hanc loquendi rationem  
Andronico præter Eulogiam inculcabat  
Theodorus Muzalon Magnus Logotheta  
seu Cancellarius, qui, ut illa, solo Eccle-  
siam in statum bonum redigendi studio  
teneri se simulabat. Sed plerisque per-  
suasum erat, eos nihil agere nisi præ-  
occupatis & iniquis in mortuum Im-  
peratorem animis. Nam Eulogia qui-  
dem se in castrum quoddam cum altera  
filia relegatam, alteram, nempe Mariam  
Bulgaricæ Reginam male, ut vidimus, ha-  
bitam esse dolebat. Muzalon autem vir-  
gis exceptus fuerat ob decrectatam le-  
gationem in Italiam. Ambo Patriarcham  
Veccum oderant veluti causam malorum,  
quæ passi erant.

Imminebat Christi natalis, quo Im-  
perator ex more comparere, divinumque  
officium solenniter in palatio celebrari  
debebat. At is publice spectandum se  
non dabat suam de amisso patre mœsti-  
tiam causatus: nec res divina ritu au-  
gustiore peracta est, ne ibi mentio Vec-  
ci tanquam Patriarchæ fieret, quan-  
quam obtentus alii usurpabantur, qui  
neminem fallebant. Eulogia fratrem  
suum e sensu naturæ deplorabat: fin-  
gebat tamen se multo magis lugere  
miseram ejus animam, quippe qui ste-

Sæcul. XIII.  
A. C. 1282.

Sup. §. 24.  
25.

c. 3.

Sæcul. XIII.

A.C. 1282.

tisset a Latinis : dicebatque ad Imperatricem Theodorum affinem suam nihil hic sperandum, & quidquid pro illo fieret, neutiquam ei profuturum. Quare cum duo Patriarchæ Josephus ac Joannes Veccus Imperatricem viduam consolatum venissent, dolore oppressa quid pro anima mariti sui agendum esset, rogabat. Et quia Josephum loquebatur, prima prodidit consilium revocandi hujus Præsulis, quod Imperator Andronicus intimo in recessu animi sui tegebat. Etenim apud Josephum agebat noctes, eum reducere studens licet is pæne cadaver duntaxat esset respirans paululum. Sic patefacto Andronici proposito Josephum, ut patriarcham denuo solium conscenderet, fautores urgebant sui; aliqui per causam Ecclesiæ instaurandæ removendo offendiculum consensionis cum Papa; alii ob sperantem extollendi se plus æquo, ac reconciliandi Ecclesias, puniendique discordes per auctoritatem Patriarchæ, quod exsecuti sunt postea. Ita ferocientium præcipui duo erant Galaction Galefinus ac Melecus e cœnobio S. Lazari. Imperator Michaël alterum oculis, linguam alterum privari jussit.